



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU STRANKE REGIJE LIVNO

Broj: 03-07-6-436/15  
Sarajevo, 17. mart 2016. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE .....	6

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Stranke regije Livno za 2014. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2014. godinu, utvrđeno je da je Stranka regije Livno prekršila odredbe člana 11. i člana 12. stav (3) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka izvršila je pregled godišnjeg finansijskog izvještaja Stranke regije Livno za 2014. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Stranka regije Livno se finansirala iz sljedećih izvora:

R/B	Izvori finansiranja	Iznos (KM)	Učešće u izvorima finansiranja (%)
1.	Članarina	0,00	0,00%
2.	Prilozi fizičkih lica ( 3-a )	0,00	0,00%
3.	Prilozi pravnih lica ( 3-b )	0,05	0,00%
4.	Prihodi od imovine ( 3-c )	0,00	0,00%
5.	Prihodi od pr.lica ( 3-d )	0,00	0,00%
6.	Prihodi od poklona ( 3-e )	100,00	100,00%
7.	Prihodi iz budžeta ( 3-f )	0,00	0,00%
8.	Prihodi od propag. ( 3-g )	0,00	0,00%
9.	Ostali prihodi	0,00	0,00%
<b>I</b>	<b>Ukupni prihodi (1-9)</b>	<b>100,05</b>	<b>100,00%</b>
<b>II</b>	<b>Kreditno zaduženje kod banaka</b>	<b>0,00</b>	<b>0,00%</b>
	<b>Izvori finansiranja (I+II)</b>	<b>100,05</b>	<b>100,00%</b>

U godišnjem finansijskom izvještaju stranka je iskazala ukupne rashode u iznosu od 278,04 KM.

## 2. PREDSTAVLJANJE POLITIČKE STRANKE

Naziv političke stranke je Stranka regije Livno. Skraćeni naziv stranke je SRL.

Stranka regije Livno je, Rješenjem broj: 068-0F1-10000001 od 27.04.2010. godine upisana u registar političkih organizacija kod Općinskog suda u Livnu, sa sjedištem u Livnu, ulica Kneza Višeslava 3b.

Lice ovlašteno za zastupanje stranke je Antonio Džaja, predsjednik stranke.

Lice ovlašteno za podnošenje finansijskih izvještaja stranke za 2014. godinu je također Antonio Džaja.

Prema podacima iz godišnjeg finansijskog izvještaja za 2014. godinu, Stranka regije Livno nema niže nivoe organizovanja.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Stranke regije Livno za 2014. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Stranke regije Livno obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### **4. PRETHODNE KONTROLE I REVIZIJE**

U periodu od 2010. do 2013. godine izvršen je pregled godišnjih finansijskih izvještaja Stranke regije Livno, nakon kojih su izdati izvještaji o pregledu sa mišljenjem revizora i nalazima revizije.

Nakon izvršenog pregleda godišnjeg finansijskog izvještaja Stranke regije Livno za 2013. godinu, izdat je izvještaj o pregledu sa mišljenjem revizora, nalazima i preporukama stranci: da članarinu uplaćuje na transakcijski račun stranke, da izdaje potvrde članovima stranke kad uplate članarinu, da vodi poslovne knjige u skladu sa računovodstvenim propisima i da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

#### **Nerealizovane preporuke:**

Na osnovu propusta u načinu podnošenja godišnjeg finansijskog izvještaju za 2014. godinu, utvrđeno je da Stranka regije Livno nije ispoštovala preporuke koje se odnose na način podnošenja finansijskog izvještaja i na poštivanje računovodstvenih propisa.

### **5. NALAZI I PREPORUKE**

#### **5.1. NALAZI**

**Stranka regije Livno je prekršila odredbe člana 11. i člana 12. stav (3) Zakona o finansiranju političkih stranaka.**

- Finansijski izvještaj za 2014. godinu, Stranka regije Livno je podnijela Centralnoj izbornoj komisiji BiH 11.05.2015. godine, nakon roka propisanog u članu 12. stav (3) Zakona o finansiranju političkih stranaka<sup>1</sup>.

---

<sup>1</sup> Do 31.3. naredne godine politička stranka podnosi finansijski izvještaj u formi koju odobri Centralna izborna komisija BiH.

- Politička stranka nije u skladu sa računovodstvenim propisima podnijela godišnji obračun za 2014. godinu, čime je prekršila odredbu člana 11. Zakona o finansiranju političkih stranaka.<sup>2</sup> Završni račun za 2014. godinu koji je, u skladu sa računovodstvenim propisima bila obavezna podnijeti Agenciji za pružanje financijskih, informatičkih i posredničkih usluga Mostar do 28.02.2015. godine, Stranka regije Livno je podnijela 19.08.2015. godine.

Godišnji obračun ovjeren od nadležne institucije, Agencije za pružanje financijskih, informatičkih i posredničkih usluga Mostar, Stranka regije Livno je bila obavezna podnijeti Centralnoj izbornoj komisiji BiH do 31.03.2015. godine, skupa sa Godišnjim finansijskim izvještajem za 2014. godinu.

## 5.2. PREPORUKE

*Preporučuje se Stranci regije Livno da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da finansijske izvještaje Centralnoj izbornoj komisiji BiH podnosi u zakonom utvrđenim rokovima i u skladu sa Pravilnikom o godišnjim finansijskim izvještajima političkih stranaka i*
- *da poštuje računovodstvene propise.*

### Komentar

Stranka regije Livno nije se očitovala na Preliminarni izvještaj o pregledu godišnjeg finansijskog izvještaja za 2014. godinu.

Pomoćnik revizora

Mr.sc. Goran Cicović

Šef Službe za reviziju, revizor

Mr. sc. Hasida Gušić

---

<sup>2</sup> U skladu sa odredbom člana 11. Zakona o finansiranju političkih stranaka, politička stranka je dužna voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom, što podrazumijeva računovodstvene propise.